



# Tir Yimym

www.tiryimym.in

Regd. No. RNI. NAGAAO/ 2004 / 13113. Postal-NE/RN-717.

e-mail : tiryimym@gmail.com

TAPAK 3 Yangia anidakangma : Tir Yimym tir\_yimym

tir yimym TAPAK 7

**Nov 3-8 anogotem nung Jaishankar-i Australia aser Singapore semdangtsü**

**Iran lenir Khamenei-i Israel aser US na amokmeren**

VOL. XXII ISSUE NO. 25 (ADOK 25) DIMAPUR AMUNGNÜ (SUNDAY) YIMPOKSÜI (NOVEMBER) 03, 2024 ₹ 5.00

## Naga Council Dimapur-i "75 Years of Naga Unity" benjung among; CM Neiphiu Rio-i NCD moatsü



(Abelen) November 2, 2024 nü Dimapur District Sports Council Stadium, Dimapur nung Chief Minister Neiphiu Rio-i Naga Council Dimapur (NCD) küm 75 ajungba nungo kaket sayatsüba angur. (Achiji) Ao Senso Telongjem Dimapur (ASTD)-i achayanga Old Naga cemetery nung Sky Bridge yangluba tanep CM Rio-i lapoktsüba sülen agiba noksa ka angur.

**Dimapur, November 2, 2024 (TYO):** November 2, 2024 nü Naga Council Dimapur (NCD) küm 75 ajungba benjung tulu ka ayongzüka mongogo.

Dimapur District Sports Council Stadium, Dimapur nung "75 Years of Naga Unity" benjung among aser iba sentong nung Naga nung lennirtemi anir nisung aika denogo.

Chief Minister Neiphiu Rio-i tetushi süa jaoker ka ama shilem agi aser pai wako atsüketa benjungmong tenzüksü.

"Kümtem süia arudang NCD-i Naga nung longjemtsü, renloksü aser sobaliba senmang wazüka ayutsü atema inyaka arur. NCD-i Naga nung tsungda telongjem aser yimjung nung alitsü atema shilem tajung agia aruba asoshi tenüngsang agütsür" ta CM Rio-i ashi.

NCD-i maneni bendanga agüja inyaksü aser lokti nung telongjem aser ajak dendakja inyaksangshia aotsü ayongzüker, ta pai ashi.

NCD motto ya "All in One" lir aser iba tangatba ajanga Nagaland nung Naga kin 16 den Manipur nung kin pezü-Tangkul, Poumai, Mao o Anal nung longjema lir, ta CM Rio-isa ashi.

"Dimapur ya Nagaland asoshi commercial district lir aser state-i aitba kishizung ama lir. Dimapur

nung dang railway station aser airport lir aser Trans-ASEAN Highway nung densema lir. British yimsüsübai iba tesem madak ketdangsuba senmang aser Arla 371(A) kübok sobaliba aser inyaksangshi kümzüka ayuba asoshi pelar" ta paisa metetdaksü.

Nagaland nung sobaliba benjung balala atema tenüngsang agütsür. Maneni, Hornbill Festival ya international sentong ka kümogo aser iba nung Naga kin ajaki pei pei sobaliba sayur, ta CM Rio-isa shi.

CM Rio-isa NCD atema office ka aser Naga Club atema azüklen menden 6 amentepa atuba ki ka yanglutsütsü nangzük. Paisa Dimapur District Sports Council Stadium ya international standards nung ajungketa yanglutsü aliba sentong lemsatp.

Civil society organizations-i sorkar den külemi Dimapur nung tayongzükbatem koktettsü aser jenjang tajungba kümdaksütsü asoshi amalitep alitsü ayongzüker ta paisa ashi.

"Naga Council Dimapur asoshi senmang ya tesüiba nung inyakerem shisatsü, lenisüba aser tenzüka lir. NCD-i kin temeyoktep ajak longjemdaksüogo aser lenisüba ya menden nung amenertem dang masü lokti nung sendaktepa

alir ajak külem tebilemsü khuret ka lir" ta Labour, Employment & Skill Development, Excise Advisor Moatoshi Longkumer-i ashi.

"Dimapur ya shishilembadak tongtiba aser sobaliba o kin balala sendaktepdak lir aser NCD lenisüba ajanga yimjung aser terenlok ngutetogo. Tanü Dimapur ajanga Naga telongjem nung tashi maneni sayur aser iba ya NCD tenzükerteri amenokba tangatba lir" ta MLA & Advisor Moatoshi-i ashi.

Tribal Affairs and Election Advisor Tovihoto Ayemi-ia NCD nem tenüngsang agüja jembidang "Dimapur nung kin temeyoktep balala rongnung NCD-i telongjem adokdaksütsü asoshi bendanga agüja inyaka arur aser nenoki terenlok bener arutsü merangba atema tenüngsang agütsür" ta ashi.

NCD-i tesüiba küm 75 tashi jajayonga arudang kin balala longjemtsüsa mapa inyaka, yimjung atema ola adokba aser lokti o rongsenketzung ajungketba atema pelar ta Ayemi-i ashi.

NCD ya telongjem indang tashi kuli ka lir. Tesüiba aser tanga teinyakdak lennirtem külem mangdang nung ajemdaker NCD senmang lir ta paisa ashi.

"Mapang tamajung ajurudang külem asüba dang masü saka

tarutsü tajung atema külemi mapa inyakbaja telongjem lir" ta pai ashi.

Naga Council Dimapur-i tarutsü dak rangloker mapa inyaksüla aser tayongzükbatem ajurudang akangkanga noktaksüla, ta Advisor Ayemi-isa ashi.

"NCD-i education, healthcare aser economic tsütsü yaritepa mapa inyakba atema tenüngsang agütsür. Iba ajanga tarutsü putu tashi itdaksütsü aser loktiliba akangshitsü" ta paisa shisem.

"NCD-i telongjem aser yimjung atema meranga inyaka arur. NCD-i Naga nung taginübatem kümzüka ayutsü, yimjung ajungkettsü aser civil welfare nungiter" ta NCD President Etsungmomo Kikon-i ashi.

Kümtem süia arudang NCD-i rongsen aika renloko. Nyamo Lotha Road nung Naga Council kimung, Mhalie Memorial Market Complex aser Zani Village nung New Naga Cemetery mapatem inyakogo aser iba nung Chief Minister Neiphiu Rio-i teyari agütsü, ta Kikon-i ashi.

Ao Senso Telongjem Dimapur-i Old Naga Cemetery tobur junga kümdaksüba aser Lotha Baptist Church o Lotha Youth Organization ajanga tomb construction nung yaritepa atema NCD-i tenüngsang agütsü.

Dimapur nung Old Naga Cemetery tobur junga yanglushitsü atema Ao Senso Telongjem Dimapur (ASTD)-i Naga Council Dimapur (NCD) den March 2022 nung Memorandum of Understanding (MoU) ka nung sign süteper mapa tenzüka liasü.

NCD President-isa kin Hoho tem, Naga Women Hoho Dimapur aser Dimapur Naga Students' Union-i Council indang mission nungita yariba atema pelaba metetdaksü.

Taoba NCD President Savi Liegise-ia council tenteta aruba putiotsü den tongtipang teinyaktetba kar lemsatp.

Sentong nung NCD Vice President aser Jubilee Planning Convenor, Holuto Aye-i tesentepertem pelaa agizük aser Chakhesang Baptist Church, Dimapur Lead Pastor Rev. P. Bonny Resü-i temoatsü meshia sarasadem.

Oriental Theological Seminary nung Jubilee Choir ajanga "75 Years of Naga Unity" ken aten aser Lotha Baptist Church nung Rev. Zanao Mozhi-i Act of Jubilee Blessing shilem agi.

Maneni, Anal, Ao Senso Telongjem, Khiamniungan Cultural Troupe aser Zeliang People's Organisation dena Naga kin balalai yartsung ajanga shilem agia liasü.

## Police-i Awala aser Chipeno na pua lir

**Dimapur, November 2, 2024 (TYO):** Sungty Tungoe (Awala) aser Chipeno Murry na indang osang social media aser local news channels nung prokshiba nung ajemdaker Dimapur Police-i tena jaoka asungdangyaogo.

Tena dang asungdangya asudang tenati security amount telatet yur nisung lar nem sen aputsüba nangzük.

Tenati unregistered societies 4- Limuqho Society, Royal Society, Niquomi Society aser Rural Society tenung nung Government stamp papers nung Deed of Agreement agitepba

nangzük ta Dimapur Police-i sangdong ka nung ashi.

Police-isa tena dang asungdangya asudang societies pezü mali aser tenati tim masübaleni Deed of Agreement agitepba jangjaogo. Nisung aikati tena nem security amount agütsüba sülen sen ano mangu aliba bushitet.

Iba dak sendakba nung tena anema ken o ka benokogo aser maneni bushisungdanga aotsü atema tena police ket nung yua lir.

Police-isa iba inyakyim nung takoksa ajururtemi West Police Station, Dimapur nung osang agütsütsü mepishia metetdaksüogo.

## Advisor Yhome-i Aor lokti tentet den ajurutep

**Dimapur, November 2, 2024 (TYO):** November 2, 2024 nü School Education & SCERT Advisor Dr. Kekhrielhoulie Yhome-i Mokokchung nung Aor tongti teloktem den ajurutepa senden ka menogo.

Mokokchung Deputy Commissioner indang conference hall nung amenba senden nung Aor lokti tentet tongtitem, Arogotem aser Ao Reju (Ao Literature Board) aden.

Nagaland nung education system tajungba kümdaksütsü

asoshi tesayurtem aser school tem reprangshitsü nügdaker ta Advisor Yhome-i ashi.

Iba mapa inyakba nung Department-i tetsükdaksü aser tayongzükbatem ajurur anungji sendaktepa alir ajak külemi inyaksü nügdaka kümogo ta pai ashi.

Nagaland education system nung sendaktepa alir ajaki department den asungdangteptsüla aser tebilemba lemsateptsüla. Asenoki külemi inyakra education system

tajungba akümstsü ta Advisor Yhome-isa ashi.

Senden nung District Education Officer, Sentinenla-i tesentepertem pelaa agizük, Ao Senden Tir Marsanen Imsong-i o tatsüka jembi aser Sr. SDEO, Mokokchung Tinumayang-i anküp tepela o jembia liasü.

Mokokchung Deputy Commissioner, Thsuvise Phoji menden ser amenba senden nung Aor lokti tentet balala nung teshimtet nübotem aser Department ketdangsurtem aden.

# Inclusive India, Magic Show sentong agiogo



**Dimapur, Yimpoksüi/ November 2 (TYO):** Matamabensartem Social Inclusion atema Inclusive India, Magic Show sentong November 2 nü Bishop Abraham Memorial Hall Peace Centre, Chumoukedima nung agiogo.

Sentong nung o jembiba mapang Angh-i, iba sentong tajung ayongzüka agiba atema Different Art Centre, Kerala den Department of Empowerment of Persons with Disabilities aser Ministry of Social Justice and Empowerment nem tenüngsang agüja liasü.

Tanü asenok mapa tajung ka atema adenshia lir aser asenok ya linük ajunga nung ajak nem kasa maongka agütsütsü asoshi inyakyim nung shilem ka lir. Linük nung kechi tia jenjang nung litir liang, lisopur ajak nem kasa maongka agütsütsü aser lokti nem teyari agütsütsü asoshi asenok bendanga agütsür lir, ta

Angh-i ashi. Anghisa, extraordinary magician aser visionary Gopinath Muthukad lenisüba nung Different Art Centre Kerala indang iba campaign yagi magic ajanga social inclusion osang agüja arudar aser joko küm ishika pai iba tasa amshia national integration, kin balala tsüingda nung tesunep aser yimjung atema inyaka arudar, ta ashi.

Tang pai matamabensartema anisemtsü atema osang prokshir. Lokti nung anisema shilem agidaksüba ya temeim taochi sayuba inyakyim ka dang masü, iba ya nisung ka meraket akümtsübuttsü aser nisung ajak parnok sempet takokba tashi tajungtiba amshitetsü atema tashi agütsütsü asoshi lokti ka ama asenok tinyaktsü mapa ka lir.

Kanyakumari nungi Kashmir tashi iba magical

performances ajanga inclusive society kaji takar lokti ka ta biletetshidaksür, ta shia, pai Nagaland-a züngoksemba atema Different Art Centre dang kanga pelaba lemsatop.

"Asenoki iba sentong nung shilem agiba mapang, ajak mebandangi amshitsü, ajak nem kasa maongka agütsütsü aser matamabensartem nem tashi agüja parnok nükjidong tongtetdaksütsü atema maneni bendanga agütsüshiti. Asenoki maongka balala agi tetsükdaksüttem ajangeta aoba lokti ka yangertsü merangdagi, ta pai ashi.

Sentong nung Commissioner for Person's with Disabilities, Diethono Nakhro-ia tajungshi o jembiba aser Dr. Fr. C. P. Anto, principal NEISSR-i lokti pela agizükba o jembiba den Inclusive India indang okila Gopinath Muthukad-i jembiba liasü.

# Mokokchung nung Bazaar ka lapok



Bazaar lapokba sentong agir kelen Bazaar Commissioner & Secretary Urban Development & Municipal Affairs, Govt. of Nagaland. Kekhrievor Kevichusa, SDO Civil Mokokchung, Urban Development Department nungi officers-tem, MMC Councillors-tem, Mokokchung Chamber of Commerce & Industries pur aser All Ward Union Mokokchung lenirtem külemi tangokba noksa nungji angur.

**Mokokchung, November/ Yimpoksüi 02 (TYO):** Tanu Mokokchung nung tejenba Town Hall nung Mokokchung Municipal Council Old Town Hall Bazaar lapokogo.

Akhidang Mokokchung nung yipden 8 yur manemer anepaluba mozüki aser iba sülenji Mokokchung Town Hall ama küm ishika amshia aru aser jokola Mokokchung Town Hall tasen ka süteta belener ao, anungji 2003 küm nungi tenzüka shishilembaba nung amshia aliba ano tang tera tajungba nung renemshir shishilembartemi tapu balala shishilembatsü asoshi takdang 80 renema aliba bazaar November 02, 2024 nü lapokogo.

Tanu nüburtemi amshitsü iba Bazaar Commissioner & Secretary Urban Development & Municipal Affairs, Govt. of Nagaland. Kekhrievor Kevichusa-i lapoktsür kelen Mokokchung Municipal Council(MMC) Conference

Hall nung sentong tatsüka agiba mapang jembidang Nagaland nung Urban Local Bodies(ULB) election agir kelen MMC ajanga town ajungkettsü maparen balala inyaktsü alibattem ajak Councillors-tem kanga dang longjemmer mapa ajak ochishia telongjem nung takok ngua inyakba asoshi tenüngsang agüja ashi.

Kevichusa-isa yimti aser jila renloka aotsü asoshi teinyaktsü mapatem Councillors-tem nem nungloktsütsü, anungji iba mapang nung pei aliba yimti aser jila-tem tali tajungtiba nung yangertsü asoshi taoba mapang town asoshi mapa tajung inyaker kija aser lokti ajak den shisa agitepa inyaktsüлата Councillors-tem ayongzüka ashi.

Mokokchung Town tonga arur kelen tesem ajakji repring ora tesem ajakji kanga dang tobur junga lireptsütsüka renema alibaji angudang, iba ya

atangji ULB aruba temoatsü ajanga Mokokchung asoshi inyakba lirta Commissioner & Secretary Urban Development & Municipal Affairs ajanga temelung süa repringba olen ka lemsatop.

Naga lima nung Mokokchung town-ji temerüktiba town lir, Mokokchung town merükba nungi tangazükba agir Kohima nunga merükmeju mapa inyaka tangbo Kohima town akhidang nungi temerükbata Kevichusa-isa ashi.

Tanu iba Bazaar meshiteta Asso.Pastor MTBA Rev. Sentimeren - I sarasademtse aser sentong nung Mokokchung Municipal Council Chairperson Wb.imkongchuba Ajanga tarur pela agizükba o jembiba, Bazaar renemba osang MMC Superintendent Wb.Lolentsoba-i agütsü aser MMC councillor Wt.R.Asangla akjanga tepela o jembiba liasü.

# FAC nung inter-departmental seminar agiogo

**Dimapur, Yimpoksüi/ November 2 (TYO):** Fazl Ali College (FAC) nung bi-monthly inter-departmental seminar November 2 nü FAC Conference Hall nung agiogo.

Iba sentong nung Asst. Professor, Department of History, Ms. Nüksüngmenla Jamir paper presenter liasü.

Lai, "Beyond Excess - Reinterpreting Marie Antoinette's Wardrobe," onük nung ajemdaker jembiba, kong lai iba France chubatsür indang fashion aser stylistic choice tem indang tangazükba agüja liasü.

Laisa, chubatsüri koda süoshi balala ajanga la sangrasangji sayu iba indang aser iba atema shishilembartem, süoshi arürtem aser nüburtemi la aija liasü, iba indang metetdaksü.

Nüksüngmenla-isa, Marie Antoinette ya tali tabong inyakba aser tangar tebilemba hauta maliba nisung ka ama züngshir, saka Antoinette-i fashion ya la tebilemba aser la yimya sayutsü atema amshi aser Versailles tem anema tenokdangba balala agütsüba nongtoktsü atema amshia liasü.



Asst. Professor, Department of History, Ms. Nüksüngmenla Jamir

Tatem nung Nüksüngmenla-isa, "la otsü ajanga süoshi ya temang nembangtsü atema asema dang masü saka iba ya oshi ka, tebilemba ka jangja jangja rasa ashiba aser khen khenbo jong ama lir," ta ashi.

Sentong nung FAC Seminar Committee züngsem Dr. Aotemshi-i tepela anüküpo jembiba liasü.

# Baptist College, Kohima nung Legal Aid Clinic tenzüko

**Dimapur, Yimpoksüi/ November 2 (TYO):** Nagaland State Legal Services Authority, Member Secretary, Neiko Akami, NJS Kohima-i Nobember 1 nü Baptist College, Kohima nung Legal Aid Clinic ka tenzüksüogo.

Sentong nung Akami-i, temzüng ozüng ya koda tongtubang iba indang lemsatop aser ashiba agi, temzüng ozüng tamendakdakji Laishiba nung Mosa ozüng ter den mesüktepa lir.

Paisa, Legal Aid Clinic ya teyari agütsüba centre ka lir ta shia, clinic nung angazükttetsü aliba provision tem indang metetdaksü. Paisa, Right to Education, Right to Information, Motor Vehicles Act, National Food Security Act, aser tanga social legislation tem koba nüburtemi amshitetsü item indang metetdakja liasü.

Akami-i, Legal Services angati agütsübatem rongnung, first-hand legal knowledge bushiba, applications draft asütsü lenmang sayuba, tenüng mesüra sensakertem income certificates melenshiba amala legal declaration tem densema lir, ta ashi. Paisa, yimtsüng, college aser school amala nung Legal Services-i awareness sentong agütsüba indang metetdakja liasü.

Member Secretary-i, kaketshirtem dang khuret angatetba senso ka ama alitsü atema campus nung lapoka

aliba legal services clinic indang tajangzük agütsü aser legal awareness indang osang prokshitsü ajungshia liasü.

Kasa mapang nung Chief Judicial Magistrate & Secretary of Kohima District Legal Services Authority (KDLISA), Wokono Yohshii-i Legal Aid Clinics inyakyim aser nükjidong indang metetdaksü.

Laisa, Legal services ya rongsen maliba mesüra lokti nung tangar dang nungi tekübokba jenjang nung aliba ajanga shinga ochi o bendang angutsü aliba magitetdaksü malitsü atema service angati agütsütsü asoshi lir ta ashi

Lai, linük nung Legal Services indang hierarchical figure agütsü aser legal aid clinic tasenba ya college tem atema dang masü saka college temeket nung alir kar danga legal service tem nüngdaka lira parnok asoshia lir, ta ashi.

Lai kaketshirtem dang state legal services authority-i agütsüba legal awareness pamphlets asadangtsü ajungshia liasü. Assistant Professor & convenor, Legal Aid Committee, Baptist College, Naro lenisüba nung iba sentong agi aser Interim Principal, Baptist College, Kohima, Dr. Kewepfuzu Lohe-i lokti pela agizükba o jembiba liasü. BA 1st semester nungi Thrunso K aser Enibemo Kikon nati ken tajung ka tena liasü.



November 02, 2024 nü New Delhi nung osangbenertem senden ka nung AAP MP, Sanjay Singh aser Spinal Muscular Atrophy (SMA) Type 1 agi shiranger kinü tanur ka den tsürabur ana- Prashant Singh Yadav aser Neha Yadav nunger noksa nung angur.

### Delhi-NCR nung mopung tali menenba ajanga aika shiranger

**New Delhi, Yimpoksüi/ November 02 (Agencies):** Asükwa mongpu tenzükba sülen nungi Delhi-NCR nung mopung kanga mejungi menena lia ano Diwali benjung mapang firecrackers tali apokba ajanga mopung ano taliba menenogo. Tang tesüsa agiba survey ka ajanga bushitetba agi, Delhi-NCR nung kibong shilem 69 nungbo kibong shia züngsem ka-anabo mopung menenba dak sendakba timtem balala agi shiranger; item rongnung terok mesakba aser aketba densema lir. Diwali benjung aonung Delhi-NCR kübok tesem aika nung Air Quality Index (AQI) level 999 tashi atu, ta kasa osang ajanga metetdaksü. Digital platform Local Circles-i Delhi-NCR nung alir 21,000 dang asüngdangyaa iba survey ya agia liasü. Delhi-NCR nung kibong shilem 62 nungbo kibong shia züngsem ka

mesüra anabo mopung tali menenba agi tenük aamba ajangshir aser kibong shilem 46 nung züngsem ka mesüra anabo neptzü ayanger mesüra teni atanger, ta iba survey ajanga bushitet. Iba survey nung shilem agir shilem 31-i tangu sashiba tsütsü timtem ajangshir ta ashi aser shilem 31-i tekolak angor ta ashi. Shilem 23-i temelung nung tarendakba kar alir mesüra kecha nendaka meinyakteter ta ashi aser shilem 15-i amoi junga mouteter ta ashi. Ajisüaka shilem 31-ibo parnok mesüra kibong züngsemtemi mopung menenba dak sendakba nung temang nung timtem kecha majangshir, ta ashi. Iba survey report ajanga, "Nisung aikati aketba mesüra yimra-wara atongba lemsatop. Karbo asthma, bronchitis aser chronic obstructive pulmonary

disease (COPD) ama tangu sashiba timtem balala lir. Tang Diwali benjung sülen ano AQI levels tamajungba dang akümiba ajanga ano tensa tamajungba akümtsü," ta metetdaksü. Tang Delhi-NCR nung AQI range ji 300 nungi 500 tashi lir, aser taruba anogotem nung ano tamajungba dang akümtsü. Iba survey nung shilem agir shilem 15-ibo ano mopung tali menenba sülen parnoki Delhi toktsür tangalen amongtsü ta ashi, shilem 9-i ki telung nung ang kazütsü aser chiyungtsü tajung achitsü ta ashi aser shilem 23-ibo kilung nung dang kazüba den külemi air purifiers amshitsü, ta ashi. Iba survey nung shilem agir shilem 15-i kimai ayazükdang masks agitsü ta ashi, shilem 15-i mask agiba den külemi temang tashi itdaksüba chiyungtsü achitsü ta ashi aser shilem 23-i air purifiers amshitsü, ta ashi.

### Jharkhand nung election shilem tanabubanung candidate 528-i tokteptsü

**Ranchi, November 02 (Agencies):** November 20 nü Jharkhand nung assembly election shilem tanabuba nung menden 38 atema candidates ajak senteper 528-i tokteptsü, ta election ketdangser kati metetdaksü. October 22 nungi October 29 tashi nung nisung 634-i nomination file süa liasü saka nisung 74 tenüing magiziük aser Hokolbarnüa candidate 32-i pei sasa tenüing agienadok, ta Honibarnü Chief Electoral Officer, K. Ravi Kumar-i metetdaksü. Dhanwar assembly constituency nungbo candidate ajak senteper 24 lir aser candidate ishibaji Deoghar nung parnok 7 dang lir, ta Kumar-isa metetdaksü. 2019 küm election nung item

menden 38 atema candidate 583-i toktepa liasü. BJP lenir aser taoba mapang Jharkhand minister Satyanand Jha 'Batul'-ia tenüing agienogo. Assam Chief Minister Himanta Biswa Sarma-i pa dang party jenjang ajungtsü atema nai tetoktep, ta mepishiba sülen Jha-i tenüing agien. Assembly menden 81 aliba Jharkhand state nung election shilem ana lemsar November 13 aser November 20 na nung agitsü aser November 23 nü vote azüngtsü. Menden 81 atemaji candidate ajak senteper 1,211 lir. Election mezüngbuba shilem nung tokteptsüpur candidate 683 lir aser parnok rongnung tetsür candidate 73 aser transgender ka lir.



November 02, 2024 nü Bhopal nung 'Govardhan Puja' anogomong nung Madhya Pradesh Chief Minister, Mohan Yadav-i nashi kü külemdang tangokba noksa nung angur.

### Nov 3-8 anogotem nung Jaishankar-i Australia aser Singapore semdangtsü

**New Delhi, November 02 (Agencies):** External Affairs Minister, S Jaishankar-i November 3 nungi November 8 tashi nung Australia aser Singapore na semdangtsü; iba mapang nungji pai linük ana nungi lenirtem ajurutsü aser 8buba ASEAN senden nung adentsü. Jaishankar aser Australia Foreign Minister, Penny Wong na leniba nung 15buba Foreign

Ministers' Framework Dialogue (FMFD) senden amentsü, ta Honibarnü Ministry of External Affairs (MEA)-i sangdong ka ajanga metetdaksü. "Australian Parliament House nung 2buba Raisina Down Under senden nung EAM-i okila jembitsü. EAM-isa Australia nung lenirtem, MP tem, yangji aliba India nungertem, business lenirtem, osangbenertem aser think tanks ajurutsü," ta MEA-isa

metetdaksü. Jaishankar-isa Brisbane nung India nunger consulate pezübuba semzüksütsü. November 8 nü Jaishankar-i Singapore semdangtsü aser 8buba Roundtable of ASEAN - India Network of Think Tanks nung jembitsü. Paisa Singapore nung lenirtem ajurua linük ana tsüngda tesendaktep jenjang asadangtsü, ta MEA sangdong ajanga metetdaksü.

### Jammu & Kashmir nung kiralongrar asem khaset

**Srinagar, November 02 (Agencies):** Honibarnü Jammu & Kashmir kübok Anantnag district aser Srinagar district na nung security sepaitemi kiralongrar asem khasetogo, ta sepai ketdangsertemi metetdaksü. Anantnag district kübok Shangus-Larnoo area nung Halkan Gali anasa sepaitem aser kiralongrartem tsüngda khatop tenzükba liasü, aser iba rara nungji kiralongrar ana khaset; ka bendanger aser ka lisopur liasü, ajisüaka tang tashi nungbo kiralongrar anaji koba telok nungiar mejangjar. Ano tanga osang ka nung, Hokolbar aonung Jammu & Kashmir kübok Budgam district nung kiralongrartemi lisopur masüba nisung ana khaseta liasü. Ibaji Kashmir district kübok Mazhama area nung atalok, ta ketdangsertemi metetdaksü. Honibarnüsa Srinagar district kübok Khanyar nunga sepaitemi kiralongrar ka khaset. Honibarnep Khanyar area nung kiralongrartem aser sepaitem tsüngda raradang

kiralongrar ka khaset aser Central Reserve Police Force (CRPF) sepai ana den police ana yiru. Khanyar nung khasetba kiralongrarji Lashkar-e-Taiba (LeT) telok nungi Osman (Lashkar Ilyas aser Chota Waleed taka ajar) liasü ta jangjaogo. Osang angazükba agi Osman ya bendanger aser LeT nung commander asütsü südi ta bilemer. Maitsü taliba jangjatsü atema tasü mangji Srinagar nung aliba PCR-i bener ogo. Tawa Jammu & Kashmir assembly election nung takok ngua National Conference nung tatong Tir, Omar Abdullah-i Jammu & Kashmir Chief Minister tenangzükba agiba sülen nungi kiralongrartemi kanga bulua amaker. Talisa Kashmir Valley nung lisopur masüba nisungtem aser security sepaitem amakba kanga bulua kümogo. October 20 nüa kiralongrartemi Ganderbal district nung lisopur doctor ka den Bihar nungi aayanger ana densema nisung tenet khaseta liasü.



November 02, 2024 nü Ranchi nung 'All Souls Day' anogomong nung nun temi Khristantem leper ka semdangba mapang tangokba noksa nung angur.



## TIR YIMYIM YIMOBILEM (EDITORIAL)

DIMAPUR AMUNGNÜ, NOVEMBER (YIMPOKSÜI) 03, 2024

### Kibuba dang pelaseta alitsü

**A**senok Khristan-tem rongnung tesayuba tai sayuba aser tangatetba tai nung amangba kaji, Yisu sülen anidakertembo kodanga timtem aser takoksa majurutsü ta bilemdaktsüba ya lir. Ibayongji, asenoki anema aser junga aliba mapang dang Yisu Khristaji Tsüngrem chir Kibur Khrista ta amanger saka timtem toushi aser sensak tia aruba mapangbo tanga tsüngrem bushia aor. Iba lima nung ali tashi nisung ajak asoshi timtem toushi aser shisabolu lir, itemji paidoktsü makoker. Khristan akümyonga shirangtsü, tamakok angutsü aser timtem ajurutsü. Ajisüaka, Khristan akümba tajangzük aser tamaittsü kaji shirangyonga, tamakok anguyonga aser timtem toushi ajuruyonga itemji akoktsüsa tashi aser tangatetba agütsütsü. Item tashi, tangatetba aser teimla ajakji amangba ajanga arutsü. Iba amaji, asenok taküm aser kibong nunga mapang kar nungbo mapa ajak nung tamakok angur ama asütsü. Aji oda, kodanga shia marutsüsa tesama aser takoksa tia ajurutsüa akok. Ajisüaka, iba mapangji asenok taküm aser tamang jenjang indang bilemdangtsübaji kanga tongtibang lir. Habakkuk ainker mapang Babylone nung aienba mapang, Tsüngremi pa dang Babylone nung ket nung Yihuda nungertem takoksa aser tesama tulu ajurutsüba indang sayua liasü. Itemji ngur pa tetsung aser tebangmechi ajak atendena shisabolua liasü. Kodang tsükchirtemi Tsüngremi shimtetba Yihuda kin makdir, idangjibo Yirusalem yimti tanük küma ajasatsü, idangji tsükmenatsü, mongozünu aser oliv jang atangtsüsa alu meyimettsü, kechiyong Babylone nungertem item ajakji raksatsütsü. Iba Laishiba ya azüngdang, küm 60 jakdang asen lima nunga India sepaitemi yim ana asem yim ka nung sepbanga yur yimtem rongdoktsüba aser alu raksatsüba tensa tia tamajung asenok tsüraburtemi ajuruba mesüka lir ta temulung shia bilemtetter. Item tensa tiatemji tetsübuttsüka lir. Iba ama tetsübu aser sensak tia nung asenok aikati timtem marem tsükchirtem den jungteptsü merangtsü aser parnok tsüngrem külemtsü. Atangji, tanüa asen tendaka asenok timtem marem mesüra takar kümnü marem mesüra takok ngunü marem asen Tsüngrem, shibai asenok samar alitsüba tia nungi kümzük, iba Tsüngrem taochiji amadoker tangar tsüngrem külemtsü tenzüker. Ajisüaka, iba ama tetsübuttsü aser shisabolutsüsa timtem toushi aser takoksa ajuruaka, Habakkuk-ibo Tsüngrem dak dang pelaa alitsü ta pai Tsüngrem dang shitet. Atangji, iba ama tensa tia ka nung, Habakkuk-i chiyongtsü züsentettsüsa alu meyimettsü aser yimtittemji pa ket agi kümzüka meyutettsü, ajisüaka pai inyaktettsüba mapa ka liasü, ibaji Pai Tsüngrem den tepela nung alitsü shimtetba tamang aser tangatetbaji liasü. Iba ama timtem aser takoksa ajuruba tia nung, Habakkuk-i taoba mapang Tsüngremi Israel nungertem Egypt alar tia nungi temerem tzü sadanga anitetba taochi bilemtet. Kasa Tsüngremi Israel nung nem takok agütsütsü atema Yihusua mapang anü aser ita melui atadaktsüba sayatenya aser taochi mapatem bilemtet. Item mapatem mamai timtem mapang nunga Tsüngrem tenüng asangtsü bilemtetba nisungji Habakkuk liasü. Aiben asenoki Tsüngremi asenok dang meimba, aochiba aser aneptsüba mapa aser mapangtem amadoker. Aji oda, asenoki Tsüngrem dak amangbaji alima timtem toushi ajak nungi jenbua ayongayonga alitsü amai amanger. Ajisüaka, iba tamangji shitak masü. Tsüngrem dak amangba tamang jagibo timtem toushi aser tepela mapang ajak nung Tsüngrem temeim mamadoki Tsüngrem tenüng sanga dang liteter. Kodang asenoki iba tamang jenjangji tongdir, asenok akaba ajak samayonga aser asen dak timtem tulu agi atongyonga asenoki Tsüngrem nem tenüngsang agütsütettsü. Habakkuk ama, kodangsa asenok takoksa aser timtem tiai idir, taoba mapangtem nung asenok dak Tsüngremi tajung inyakbatem bilemtetdi. Tsüngrem tenüng asangtsüba ya asenok takok anguba mapang nung dang masü mesüra peria kaa aitba mapang nung dang masü saka mapang ajak nung Tsüngrem tenüng asangtsüla ta 1 Thessalonika 5 nung shia angutsü.

## OLEMSABANG

### Sarasadem tesep koma asü nung tajungba süla

~ Limatula Longkumer.

(Yashi adok nungi...)

#### Prayer Centre inyakyim yimya

Pastor Bendangmeren, Kohima-i züluba ocet ka nung Prayer Centre 11 (ter ka) tashi lapoka aliba küm tersür ta tejaklen shisema lir. 1 Tangbo Nagaland nung prayer centre aika kümogo, aser aji Dimapur area nung teimba ka alitsü sdi. Kechiba Prayer Centre paika ya lapokyonga aor? Ya nüburtem onsara nungtepa aoba agi (demand) tali tali lapoka aor asü, mesüra Tanela Temeshi lenisüba mesüra ajungshiba ajanga lapoker, mesüra iba ya sen aahtsü (lucrative industry) ka akümer? Sarasadem tesep lapokba aser inyakyim ya alima aika nung mesüktepa angutsü, tongmelang agi Neo-Pentecostal movement tsütsü nungi inyakyim kar asen lima sarasadem tesep den medemdanga zülusemer.

- Prayer centre ya teblemtsü khuret pongtokdak (problem solving centre) ka ama lir, aser sarasadem tesep kibur aser counsellor-temji teblemtsü khuret taneptsürtem (problem solver) amai lir. Sarasadem tesep nung counsellor-temji nisung aser Tsüngrem tsüngta o tongdar ama (spokesperson) inyaker. Nüburtemia sarasadem tesepe arubaji tanelai kechi ashir ibaji tangsa tang metetnüa asüngdangyar, aser Tsüngremer tetuyuba aser telangzüba kechi metetnüa arur.
- Prayer centre nung inyakeritemji külen tia ashir ama, akhi Khristan yimli marudang Arasentsür dangi tia asüngdangi aoba yimya mesükba ka Sarasadem Tesepe nung inyakdaki. Iba inyakyim ya traditional primal religion yimsü nung aliba to revive asür asü ta talisa temesung nisungtemi (western churches) tang sashia research agidaki. Is it a revival of primal religious traditions which was suppressed by Christianity or part of Indigenous contextual Christian practice? Mesüra iba yimya ya tribal Christian tamangba yimya ka, asen context nung adoker? Inyakyim nungji temezünger arasentsür mapa den khen ashitsü nungbo mesükteper amai. Saka Tsüngrem tanela temeshi tenüng nung inyaker ta kuli lirji iba ya Tsüngremer sayatenya mapa ta nüburtemi nanga agizüker.
- Tsüngrem nungi sayatenya inyaksü imlaa sarasadem. (Bible in hand and the miracle on the other). Tarutsü ataloktsü alibatem shiner aser tesüiba nung kechi asü iba indangjia ashitsü akoker. Anungji sarasadem tesepe kiburji Tsüngrem amai kümdaktsür aser tushir. Arogo nung Pastor dangi mo-i Prayer Centre bushia nisung aika tia metettsü aser taneptsü bushia sendener.
- Prayer Centre nungji lumia hopta ka mesüra ana-asem, ita junga kar asoshibo lumitsü akanger. Lumiba ajanga Tanela Temeshi-i taküm nung mapa inyakba metettsü, lumia sarasademba ajanga taküm merükteta meshiteta sarasadem, mojing aser temenen tanela ajak aritokdaktsür. Anungji sarasadem tesepe ki bushia lumia sarasademtsü asoshi aor.
- Prayer Centre nung ya sarasadem dang masü saka Bible study aser tekülem sentep-a dena agir. Anungji iba ya tenla kidang tekülem agiba yimya mesüka inyaker.
- Prayer centre nungji theological perspective ana amshiba angutsü: (i) theology of prosperity, (ii) theology of intervention. Tanela temeshi ain dak ajemdaker iba tashi ajanga timtem ajakji nokdangtsü akoker ta sashi sashia tanela tetuyuba agütsür. Prayer centre nung inyaker kibur aser counsellor-temji interventionist, Tsüngrem ama kümdaktsür, miracle performer-tem ama tushir. Anungji yamala telungjemji arogo tekülem sentep dang nungi kanga agi tesapuba akümer. Ano Tsüngrem dang meranga rongsen tenlara iba yari Tsüngrem nungi ali rongsen temoatsü tali züindaktsür ta asüba tesayuba sashia sayur. Ibaji sarasadem tesepe nung dang masü saka arogo tesayuba nunga lir. Ibayongji ochi shia bendenba, ochi meshi-i bendenba ajak nungi asen nisung meranga tenla abener. Nüburtemi tenla magütsü nungbo koda sür sarasadem tesepe yamai aotsü?

(Maneni asung adok nung...)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

# Mizoram nung Council of Churches in Mizoram (CCM) tentet



October 27, 2024 nü Mizoram state yimtiba, Aizawl nung Council of Churches in Mizoram (CCM) tentetba sentong nung tangokba noksa nung angur. Tesüiba küm 130 tashi Mizoram nung Khristan denomination balala melongjemteti liasü saka tang CMM ya tenteta state nung tongti Khristian denominations aika longjemer.

**November 02, 2024:** Mizoram nung Khristantem longjemba puti otsü asütsüsa Council of Churches in Mizoram (CCM) tentetogo; tesüiba küm 130 tashi Mizoram nung Khristan denomination balala tsüingda melongjemteti liasü saka tang CMM ya tentetba ajanga state nung tongti Khristian denominations teimbaka longjemogo.

October 27, 2024 nü state yimtiba, Aizawl nung CCM tentet.

Iba state nung nütsüing shilem 87 bo Khristantem lir. CCM nung Mizoram Presbyterian Church (MPC), Baptist Church of Mizoram (BCM) aser Evangelical Church of Maraland densema tongti Arogo 9 longjemogo.

CCM tentetba sentong ya Aizawl yimti kübok Mission Veng kiyong nung aliba Presbyterian Arogo tenla kidang agi, aser iba sentong nung state Chief Minister Lalduhoma den yimtenren party balala- Zoram People's Movement, MNF, Congress aser BJP nungi minister tem, MLA tem aser tongti ketdangsertema-a aika aden.

O lemtepa senden nung Arogo balala nungi tejaoker 500 dak temai kanga tongtibang telemtetba aika agia CCM temzüing latet aser office ketdangpur nisung tenet shim.

Parnokisa iba organization mapatong balala atema sen million 3.24 interim budget agizük.

Baptist Church of Mizoram nung General Secretary, Rev. Dr R Lalbiakliana CCM nung Tir shim aser Presbyterian Arogo nungi Rev. Dr Lalhmangaiha general secretary shim.

Khenpiga atema CCM office ji Aizawl nung aliba Synod Convention Centre nung amenoktsü.

Osangbener den jembidang Lalbiakliana-i, "Iba council ajanga Mizoram nung Arogo tem longjemtsü. Onoki iba atema ya jembia aruba sülen Arogo tem longjemtsü atema tesüsa telemtetba agiogo," ta metetdaksü.

CCM nükjidongji Mizoram nung Arogo balala ajak longjemtsü, loktiliba nung temelenshi adoktsü aser sorkar yimsüsüba nungittsü atema lir.

Lalbiakliana-i, CCM-i Arogo tem nung tangatetba

balala ajak tsüingda apu latsütsü nükjidong nung inyaksü aser council nung ajaki kati ka agizükteptsü, ta metetdaksü.

Paisa, "Iba ya ajak kasa akümtsü atema masü saka tangatetba balala alir ajak ka küma longjemtsü atema lir. Onoki külem onüktem nung longjemer inyaksü," ta metetdaksü.

Paisa, ano state nung tanüingba denominations-a Council of Churches in Mizoram nung adentsü ayongzüker, ta metetdaksü.

Taoba ita Khristan lenirtemi iba ama council ka tentettsü atema jembia liasü. Iba council yagi North East India Christian Council inyakyim den kasa inyaksü.

Mizoram nung district 8 kübok Presbyterian Church kübok Arogo 1,000 lir aser Baptist Church kübok Arogo 680 aser züingsem 200,000 dak tali lir.

Mizoram nung tanga denominations ji Catholics, Seventh Day Adventists, Pentecostal Churches aser Salvation Army lir.

Tang tashi nungbo CCM nung Catholic Church bo densema mali.

## ANO GO ABEN TSÜNGREM DEN

### TESANGWA LENMANG SHIMDI

*Temeshipur lenmangji anepdang sangwa ama lir, kobai anüngdang matong tashi tali tali sangwar. Apijemtsü 4:18*

Alima yimya nung Tsüngremi anüngdang aser aonung yanglu. Tongtipangsa meimchir asoshi anüngdang sangwa-a alidang mapatem inyaksü aser aonung anisüingzüka mejangtsü asoshi ta tangatetba nung liyonga arur. Tanela tsütsü iba indang shisadangra tesangwa nung meimchir atema mozü ama mezüing anü yalokba ya tongtipang koba agi tashidak aika tanüptsü angur. Tetezü-tajung, temeshi azükaru, takok aser temoatsütem ta ashitsü akok. Saka tamang tetezübo tamajung, tamakok, memeshiba, timtem, atakatem tsütsü ratettsü akok. Iba lai o nung temeshipur lenmangji anepdang sangwa ama tetezü anepdang mopung tanep ona aser tesüingjem mapang anüpu amai lir. Alima nung teyanglur Tsüngrem meteta, Pa akhüm tsübua Pa lenniba nung liyonga aotsü ya jangratemtsü tulu lir. Kechiaser iba nung tangar dang rasa-a meshitetba tepela, takok aser temoatsütem aika lir.

Alima nung alir asünung khuret balala agi menüpaka temeshiba lenmang nung jajartemibo ajak tizüka ajak nung temoatsü dang agiteta liyonga aor aser Tsüngremi ajak nung takok agüja anir.

"Tsüngremer lenmangji tesangwa, shibai iba lenmang shimteter temoatsü taküm akümer." Alima khuret ajak kokteta tesangwa lenmang shimteta amangdi.

## SE Asia nung teintet rogotem nem ojang tulu agi ajenba Laishiba agütsü



**November 02, 2024:** Tanur-tain ajaki Laishiba züingtettsüsa lenmang lapoktsütsü nüngdaker, aser iba tangatetba nungji International Christian Concern (ICC)-i Muslim nütsüing teimba aliba linük ka nung kanga tantsür-tamburtemi züingtettsüsa ojang tulu nung ajenba 'print' Laishiba adoka agütsür, ta ICC-i metetdaksü.

Southeast Asia nung Muslim nütsüing teimba aliba Muslim linük ka nungji kanga teintet senso Khristantem anogo shia timtem balala ajurur.

Kanga teintet sensotem tamang jenjang aintsü aser timtem-tuoshi balala koktettsü atema parnok oshi nung

Laishiba nüngdakba dang masü saka parnoki züingtettsüsa ojang tulu nung ajenba Laishiba kanga nüngdaka liasü, ta ICC staff kati metetdaksü.

"Tsüngrem taochi ajanga onoki maongka ngua iba project itlaka ya inyakogo. Iba denji külemi ICC nem tenla agütsürtem ajanga tarutsü nunga iba linük nung ano project aika inyaksü. Iba region nung Khristantem reshikangshi jenjang ano tamajungba dang akümtsüa akok. Item ama kanga teintet Khristantem yariba ajanga 1 Timoti 5:1-2 nung zülua aliba onoki atangji inyakteter," ta ICC staff-isa metetdaksü.

## SE Asia nung linük tenet nungbo Khristantem kanga reshikangshir

**Yimpoksüi/November 02, 2024:** Southeast Asia nung aliba linük 11 nungi linük tenet nungbo Khristantem kanga reshikangshir; Khristantem reshikangshiba linük tenetji Brunei, Cambodia, Indonesia, Laos, Malaysia, Myanmar aser Vietnam linüktem lir, ta International Christian Concern (ICC)-i metetdaksü.

Brunei aser Cambodia na nung pei tamangba yimsü tangar den lemsateptsü memelar aser Brunei nungbo Khristmas benjung-a yimjak nung amongtsü memelar.

2023 küm Brunei nung ketdangsertemi tanga yimsü amangertem sentongtem nung Muslim nung adener asü madener ta bushisüingdanga liasü, iba denji külemi tanga yimsü sentongtem nung Islam yimsü anema jembiba mita repranger.

Burma nung sepaitem dang

'Tatmadaw' ta ajar aser parnoki mapang shia Khristantem reshikangshir. 2023 küm Chin Association of Maryland nung Executive Director, Zo Tum Hmung-i Burma nung Khristantem atema tensa tamajungba akümba metetdakja liasü.

Hmung-i shidi ka ajanga United States Commission on Religious Freedom (USCIRF) dang, Tatmadaw sepaitemi Khristantem anema ano tesashiba inyaker, ta metetdakja liasü.

Hmung-i, "Sepaitemi Khristan nütsüing aika aliba jila aser yimtsüingtem rongdoktsür. Sepaitemi pastor tem aser Khristan lenirtem apur, pua ayur, aitsür, reshikangshir aser tepseter. Parnoki Tenla kitem, convents, schools aser Arogo kiojentem raksatsür," ta metetdaksü.

Muslim nütsüing teimba aliba

Indonesia linük nung Tsüngrem mezüingmeshiba ozüingtem kübok Islam yimsü aitsüra Khristantem tepuokdak ayur.

Laos nung ketdangsertemi Khristantem kanga bendangshidanga züingshir. 2023 küm Lao Evangelical Church-i, Khammouane Province nung ketdangsertemi Khristan kibong 79 aridok aser Khristan yimsü tokjang ta rongshia liasü, ta metetdaksü.

Malaysia nunga Tsüngrem mezüingmeshiba ozüing kübok Khristantem apur aser tangar den Khrista osangtajung lemsateptsü-a memelar.

Vietnam nung Khristantem, talisa Ha Mon Catholic and Montagnard Protestant teloktem anema inyaker aser reshikangshir.

Tang Vietnam ya U.S. Department of State indang Special Watch List nung densema lir.

**AO OSHI ANGAZÜKDAK:**

**TANÜ ANGAZÜKTSÜBA OJANG**

**Taremzük**  
(adj) tamajung lepa magütsüi yutsüba (patience, tolerance)  
\* Taremzük nisungi tamajung akoker.  
**Taren**  
(n) tatongi nangdena ayu, tatongi nokdak (queue, row, series)  
\* Tulus arudang tanurtem taren sena nokdaker agizük.



**OLONG PAITEP # 6970**

1				2				3		4
5		6								
							7			
8										
										9
		10					11			
				12				13		
14										
							15			
16										

TIPIEN	LANGTSÜNGLEN
2. Auo nung chiyongtsü asenba - (7)	1. Lenmang - (7)
5. Mangyimba mapang - (5)	2. Aor kidong ka tenüng - (6)
7. O tamendakdak - (4)	3. Tenarong maten - (6)
8. Pei dak malangba - (7)	4. A _ _ _ g - (3)
10. Juli - (7)	6. Mopung apodoka ola adokdaksüba - (3)
12. Sen ayudak - (7)	9. Tongtipang tagitsü - (7)
14. Tenük agi ajitet - (4)	10. Menungra bilem - (6)
15. Tamajung aküm - (5)	11. Aiür - (6)
16. Apuso - (7)	13. S _ _ _ k - (3)
	14. T _ _ _ r - (3)

**OLONG PAITEP # 6969 TELANGZÜBA**

TIPIEN :	LANGTSÜNGLEN :
1. Pangka, 3. Aju, 5. Wai,	1. Penlok, 2. Awa, 4. Jakla,
6. Lokti, 8. Sala, 10. Atamata,	7. Taten, (tatentep), 8. Sutok,
13. Züin, 14. Akima, 16. Ano,	9. Ama, 11. Anaknü,
17. Ama, 18. Nungzü.	12. Rünem, 15. Hon.

**NAI-A YA METETTER MA**



US nunger Gary Kristensen-i 1,224-pound mapo (pumpkin) ka tsünütet aser iba yagi rong ama yanglur Columbia River nung ghonda 26 tashi senzüba atema alima otsü tasen ka yangluogo. Gary ya Happy Valley, Oregon nung real estate appraiser ka lir aser pai North Bonneville, Washington nungi tenzüker Vancouver, Washington tashi mapo agi yangluba rong nung kilometre 73.50 (45.67 miles) tashi osetba ajanga Guinness World Record yanglutet. Arishi küm 46 tain Gary Kristensen-i October 12 & 13 anogotem ghonda 26 tashi "Punky Loafster" ta ajaba rong nung senzü ta Guinness World Records-i ashi.

**Patkai Christian College küm 50 jungogo**



PCC Founder & Principal Emeritus Rev. Dr. Tuisem A. Shishak-i tang teinyakdak aser tesüiba principal tem den külemi agiba noksa ka angur.

**Dimapur, November 2, 2024 (TYO):** November 2, 2024 nü Patkai Christian College (PCC) Autonomous küm 50 jungogo. Founder & Principal Emeritus PCC Rev. Dr. Tuisem A. Shishak-i Jubilee nüngshilung sayatsüba sülen Golden Jubilee benjungmong tenzüka liasü.

Sentong nung PCC Principal Dr. Thepfüvilie Pierü-i tesentepertem pelaa agizük aser Manipur Baptist Convention (MBC) General Secretary Rev. K. Losü-i temoatsü meshia sarasadem. Sentong nung PCC Drama Club ajanga "Genesis of Patkai" ta ser drama ka ai aser iba nung Rev. Dr. Tuisem A. Shishak aser pa kinungtsü asür Margaret Shishak nati Patkai Christian College amenokba otsü ia sayu. Sentong nungsa Patkai Christian College nung principal inyaka arurtem nem tetushi agütsü.

Founder & principal Rev. Dr. Tuisem A. Shishak-i August 28, 1974 nungi August 31, 2004 tashi inyakba, Rev. Judson Rungung-i September 1, 2004 nungi September 31, 2009 tashi, Kolezo Chase-i September 1, 2009 nungi March 31, 2010, Husazu Epao-i April 1, 2010 nungi March 31, 2020 aser tanga teinyakdak principal Dr. Thepfüvilie Pierü-i April 1, 2020 nungi tang tashi inyaka aruba atema tenüngsang agütsü.

Rev. Dr. Zelhou Keyho-i Jubilee Souvenir sayatsü aser onük jembia liasü. "Nenoki meranga inyakba tejang atangba kuli sütettsüsa PCC nung founding principal den tesüba nung principal inyaker nisung 3 tashi angudang kanga pelar" ta Rev. Keyho-i ashi. "Rev. Dr. Tuisem Shishak aser pa kinungtsü asür Margaret Shishak nati azüngmeyakdak tesem kati learning center ka melendaktsüba atema tenüngsang agütsür. Apuani nati tarutsü tajung atema bendanga agütsüba asenoki mamadoktsüla. Tsüngremi Dr. Tuisem aser pa kinungtsü Margaret na nem mangdang ka agütsüba ajanga tanü PCC iba jenjang tongteta lir" ta paisa ashi.

Ali tenla agütsürtem tenüng nung Dr. Kevingulie Khro (Seithekema) aser Razouvotuo Chatsu (Chumoukedima) nati salem osang abendang PCC-i parnok den tesentaktep tajung ayuba osang lemsatop. Iba sentong nung Ms. Thingri Sareo aser Dr. Sentianger Longkumer nati Masters of Ceremony ama shilem agia liasü aser taoba PCC Vice Principal Ms. Angel Sonari-i anküp tepela ojembi.

Alumni aser tang tezüngdak kaketshirtemi Alumni Choir den külemi "Majesty and Glory of Your Name" ken ajanga telok ayongzüka liasü. NBCC General Secretary

**Diwali aonung Jorhat kitsükkirong lendong nung 1 asü**

**Guwahati, November 2, 2024 (Agencies):** Diwali aonung Jorhat kübok Bhogdoi nung kitsükkirong lendong tulu ka atalok aser idangji nisung ka taküm sama. Iba lendong nung Sushil Rai ta ser nisung ka rongset. Diwali mapang fireworks tim mesüi amshiba ajanga iba lendong ataloka liasü. Sushil Rai ya Bihar nunger liasü aser pa ya Vikram Kundaliya'er business-cum-residential complex nung mapa inyaker liasü. Kundaliya'er dokan anasa mi adok aser mapang tatsüka ka tsüngda temeket dokantem nung kongshia ao. Kitsükkirong lendong azüoktsü atema fire tenders 15 shi adenshia liasü aser tanep 4:00 ako meta enseptet. Police aser Fire department ajanga takoksa anguba asadangdar.

# Spain-i ano Valencia-i sepai 500 talila yokogo



Yimti tiyong nung tzümetsüing agi kanga sashia kongshiba noksa nung angur.

**Valencia, Yimpoksüi/ November 2 (Agencies):** Valencia temeket tzümetsüing agi kanga sashia kongshiba sülen, local ketdangsürtemi telangzüba shitak magütsür ta shia nüburtemi ashishiba mapang maparen balala nung teyari agütsütsü atema sorkari ano sepai 500 talila yokogo.

Iba tzümetsüing lendong nung nisung 200 dak tema süogo aser asürtem ya timba Valencia temeket nungi lir, saka asürtem ya tang dang nungi timba akümsü imlar.

Hombarnü nungi tzüinglu kanga sashia aru tenzük aser iba ajanga tzümetsüing adokdakja aputemraksatsü aser jilatem lishi agi mobangba den nüburtem tajemtsü tzü, chiyongtsü aser electricity makai kümdaktsü.

Tzümetsüing asemshia aoba sülen mekerkmejutsü atema nisung meyerejang aika yimdark yimtsüingtemiogo, ajisüaka ketdangsürtemi Hokolbarnü, emergency worker tem nem lenmang sadema lapoka toktsütsü atema iba tesem nung gari senzüsenpong nung tenokdangba agütsütsü ta metetdaksüogo.

Kasa mapang nung north-eastern aser southern Spain nung Deobarnü tashi tsüingsang majungtsü ta tekümdangtsü metetdaksüogo aser Balearic asetkong nunga Honibarnü tashi tsüingsang majungtsü ta metetdaksüogo.

Valencia temeket nung samara alirtem bushiba aser kümzükba maparen atema sepai 1700 yoker inyakdar, ajisüaka samara alirtem taküm lia kümzüksübo timla kangabo makai küma odar.

Tang ali telung nung tunnel aser gari anendak nungi tzü

atsütoktsüba dak rangloker inyakasngshidar, kong tzü agi metsünga aruba mapang nüburtem mejenboi sabanga alitsü ta tsübuva bilemer.

Valencia nungi osangbener Paco Polit-i BBC dang ashiba agi, sepai tasentemi kanga dang nungdaka aliba heavy machinery, bulldozers, truck tem bener arutsü aser tekümzükba maparen takaratiba nung inyaktsü atema teyari agütsütsü.

Telangzüba takaratiba nung magütsüba aser tzümetsüing indang jelia memetdaksüba atema local ketdangsürtem aija arudar.

Amparo Andres, shiba Valencia nung küm 40 tashi dokan kibur ka lir lai BBC dang ashiba agi, mapang ka nungbo kidang tzü la tekong tashi metsünga atu aser la asütsü ta bilema liasü.

"Nibo taküm lir saka ajak akoksaogo. Kü business aser ki ajak raksaogo," ta lai ashi.

"Sorkari kecha minyaker. Onok meketa aliba lanurtemi dang onok nem teyari agütsüdar," ta laisa shisem.

Paiporta jila kong nisung 60 dak tema süa liasü, iba jila nung alirtemi teyari kanga meyilongi arur ta shia parnok temulung masüba lemsatepogo.

"Firefighter tem peria mali aser shovel tema tang tashi tonga maru," ta arishi küm 33 tain pharmacist Paco Clemente-i AFP news agency dang ashi, shibai par medemer kidang nungi lishi merkettsü atema teyari agütsü liasü.

Kasa mapang nung army tem parnoki yokba dang nungi tekaraba meyokba aser France sorkari tekümzükba maparen nung teyari agütsütsü atema firefighter 200 yoktsü ashiba

magizükba atema nüburtemi Madrid nung amendaker aliba federal sorkar aija arudar.

Spain ato Kilonser Pedro Sanchez-i, tzümetsüing lendong agi kongshir alirtem nem teyari agütsütsü atema takokba tashi inyaktsü ta tenangzükba agütsüogo.

Valencia nung merkejutsü atema volunteer tem ya timba lanurtemi social media ajanga ayongzükba lir aser tzümetsüing agi kanga mejungi kongshir aliba tesemtemi nisung noklang aika aoba nguogo.

Hokolbarnü local ketdangsürtemi ashiba agi, Valencia metropolitan temeket Honibarnü nung 00:00 aser Deobarnü 23:59 local mapang nung gari senzüsenpongtsü tenokdangba agütsütsü.

Local head of infrastructure Martínez Mus-i ashiba agi, emergency service tem lenmang sadem sadema amshitsü atema aser tzü, energy, communications, aser chiyongtsü kecha tetsükdaktsü makai agütsütsü atema iba jenjang agiogo.

Maneni dokan balala nungi oset auyaba atema nisung aika puogo aser Aldaia nung alir kati AFP dang ashiba agi, paia auertemi supermarket ka nungi oset balala auyar aoba nguogo, kechiyong nüburtem kanga timtem nung lir.

Huelva aser Cartaya densema south len tesem aika nung tzüinglu kanga sashia aruogo aser Jerez yimti nung alir kibong noklang aika pei kidang nungi aninogo.

Tzümetsüing aruba kuli rongnung kaji küm tepeyong tzüinglu junga maruba ajanga tesem aika nung tzüinglu aruba ali-i kanga junga mejemtetba ajanga lir.

# Pakistan nung kiralongrar asütsü ta bilemer 12 apu

**Lahore, Yimpoksüi/ November 2 (Agencies):** Pakistan nung tekokdangba agütsür aliba Tehreek-e-Taliban Pakistan (TTP) telok nungi asütsü ta temulung melemi bilemba nisung 12 Punjab province kübok tesem balala nung law enforcement agencies temi puogo, ta police-i Honibarnü metetdaksü.

Punjab police Counter Terrorism Department (CTD)-i sangdong ka ajanga ashiba agi, TTP kiralongrar 12 apuba ajanga Punjab nung kiralongrartemi tasa asa aliba tongtibang ka nokdangogo.

CTD-isa, parnoki taoba anogo pongu tsüingda itangitertemi osang agütsüba dak ajemdaker province kübok

district balala meita oa liasü aser kiralongrara 12 ya Bhakkar, Sargodha, Rahim Yar Khan, Faisalabad, Sheikhpura, Nankana Sahib aser Jhang tesem nungi pua liasü, ta metetdaksü.

CTD-i ashiba agi, kiralongrartem yagi province nung lendong balala bener arutsütsü tasa asa liasü aser tongtibang tesemtem amaktsü sentong yanglur liasü. Ken o ashishitsü atema parnok ya mejangjaba tesem kati anriogo, ta kasa sangdong ajangasa metetdaksü.

Taoba hopta CTD-i, Lahore nungi km 300 shi pilar Mianwali district nung TTP telungpurtem asütsü ta temulung melemi bilemer nisung 10 tepseta liasü.

# Iran lenir Khamenei-i Israel aser US na amokmeren



Ayatollah Ali Khamenei

**Tehran, Yimpoksüi/ November 2 (Agencies):** Iran lenir leader Ayatollah Ali Khamenei-i Honibarnü sangdong ka ajanga Israel aser parnok nem teyari agütsürtem rongnung tongtiba United States na dang telangzüba tesashi agütsütsü ta amokmerenogo, ta Associated Press sangdong ka ajanga metetdaksü.

Tehran-i telangzüba agütsütsü imla-a Washington-i iba tesemi sepaitem timba yokba mapang ka nung Khamenei-i iba tekümdangtsü metetdaksüogo.

"Zionist regime süang United States of America süang, tsükchirtemi Iran aser Iranian nation aser resistance front anema kechi inyaker iba atema telangzüba tesashi agütsütsü," ta Khamenei-i video osang ka ajanga metetdaksüba Iranian state media-i sangdonga liasü.

Arishi küm 85 tain Khamenei-i, kechi koma mesüra kodang telangzüba agütsütsü iba indang meshisem. Taoba mapang Iran lenir yagi Israel-i parnok amakba indang kanga kümdanga telangzüba agütsüogo aser ashiba agi, iba indang tali soloka mejembitsüla mesüra ajema-a mejembitsüla .

Taoba mapang New York Times sangdong ka ajanga ashiba agi, October 26 nü Israel-i miima aliba military facility tem maka nisung pongu tashi tepsetba sülen Khamenei-i telangzüba tesashi agütsütsü

atema tetuyuba agütsü liasü. Israel-i Iran amakba sülen Tehran indang missile production capabilities, air defence systems, energy infrastructure tongtibang aser south nung rongnendak tongtibang ka raksaja liasü. US-i tetuyuba tejangja agütsüba sülen Israel-i nuclear sites aser oil production facility tembo memaki liasü.

United States-i Hokolbarnü sangdong ka ajanga, long range B-52 bomber aircraft aser ballistic missile defence destroyers densema Asia anüoleni military hadirtem talila yokba sangdongogo. Taoba mapang THAAD missile defence system densema iba tesemi hadir balala yokba sülen tang iba jenjang agir.

"Iran, parnok indang partner tem mesüra parnok indang proxies temi iba tesem nung America nunger sepaitem mesüra linük tejangraba dak rangloker inyaksangshira United States-i, ozü nüburtem kümzüka ayutsü atema takokba tashi jenjang tapet agitsü," ta Pentagon otongdar Major General Pat Ryder-i ashi.

2024 küm Iran-i Israel anaben tashi makogo. April ita Damascus nung parnok indang consulate amakba aser October ita Middle East nung parnoki teyari agütsüba teloktem indang lenirtem tepsetba sülen Iran-i Israel maka liasü.



Lebanon nunger ketdangsürtemi ashiba agi, Israel-i anüing ajanga linük northeast len tesem balala amakba sülen nisung 45 tepsetogo. Israel temeket nung tensa tamajungba küma aoba mapang ka nung U.S. Defense Secretary Lloyd Austin-i, Middle East nung U.S. military tashi itshitsü atema bomber aircraft aser Navy warship talila yokba sangdongogo.

**ALI TAYOKTSÜ LIR**  
**OLD SHOWUBA NUNG ALI AYOKER FOURLANE FLYOVER ANASA**  
For more details : 9863826159

# ANCSU Collegiate Meet tembangogo



**Dimapur, Yimpoksüii/November 2 (TYO):** All Nagaland College Students' Union (ANCSU) Collegiate Meet 2024 koba October 29 nü tenzüka liasü iba asayamung ya November 1 aonung Valedictory Function aser Collegiate Night na agia tembangogo.

Valedictory Function ya 2:30 ako nung tenzüik kong Lok Sabha MP S. Supongmeren Jamir alakteta jaoker liasü aser NCS, Director, Youth Resources & Sports, GoN Kethosituo Sekhose tetushi tejaoker liasü.

Sentong nung tejaokertemi o jembi, Kohima College-i ken ka aten, Valedictory Guest-i o jembi, Kito K. Swu-i Special Presentation ka agütsü aser Co-Convenor, Organizing Committee Inato Y. Chisho-i tepela o jembia liasü.

Iba meet indang overall champion Kohima College, Kohima liasü aser Best

Disciplined College Salt Christian College, Dimapur liasü.

Volleyball asaya Pranab College, Dimapur-i akok aser Dimapur Government College, Dimapur runners up liasü. Football asaya Sakus Mission College, Dimapur-i akok aser Kohima College, Kohima runners up liasü.

Chess asaya St. John's College, Dimapur nungi Piwoka Tsuqu-i akok aser Alder College, Kohima nungi Kerekuheing Kulim runner up liasü. Naga Wrestling Competition, Kohima College, Kohima-i akok aser Phek Government College, Phek runner up liasü.

Badminton tarep temeyoktep asaya People's College, Dimapur-i akok aser Livingstone Foundation International College, Dimapur runner up liasü.

Maneni LFI nung Collegiate Night sentong agiba mapang Temjen Imna Along, Hon'ble

Minister, Higher Education & Tourism, Government of Nagaland Chief Host liasü.

Sentong nung Dr. Hiteswar Baruah, Managing Director, NEMCARE Hospital, Guwahati den LFI mendenbuba Dr. Andrew Ahoto Sema, Director LFI, Mrs. Ani Yepthomi aser Mrs. Tafi Snock, State Secretary, BJP nunger amala tongtambang nisungtem aikati shilem agiba ajanga kanga meraktdaktsüogo.

Sentong nungsa alakteta jaokeri o tatsüka jembi aser Director LFI Ani Yepthomi-ia o tatsüka jembia liasü. Maneni sentong nung Information & Publicity Secretary, ANCSU Kivika Yeptho-i lokti pela agizükba o jembia liasü.

Formal session tembangba sülen DJ Night session tenzüik kong nüngtugu beat aser kentem tema kaketshirtem aser tejanokertem benjungtepogo.

# Pakistan HF-i taoba mapang Olympian 5 nem tenokdangba agütsü

**Yimpoksüii/November 2, 2024 (Agencies):** Pakistan Hockey Federation (PHF)-i taoba mapang Olympian pongu nem taküm tepeyong asoshi tenokdangba agütsüogo.

Tir Tariq Bugti lenisüba nung PHF-i ashiba agi, item nisungtem yagi governing body balaka amenoktsü merang aser iba den senotsü mashiyimi amshi aser official record auya liasü.

"Parnoki federation ka achayangtsü merangaba, PHF record auyaba aser temelaba magi PHF account nungi sen agizüka amshiba PHF-i ngutetogo," ta Bugti-i Bodhbarnü ashi.

Term aika PHF tekolak mapa bener taoba mapang PHF tekolakba, Brigadier (ret) Sajjad Khokar-i mapa toktsüba sülen iba mepetmesü ya tenzüka liasü.

Telok ana ya ka Bugti-i ani aser ano ka Karach nung amendaker aliba yimden yimsüsür Sehla Reza-i anir tashi atema toktep tenzüka liasü.

Taoba mapang Olympian Haider Ali, shiba mezüngbo Khokar kübok Secretary General liasü, pa Reza indang telok nung dena liasü. Tashi toktepba ajanga PHF tamendakdak kanga anakshia liasü.

Pakistan Sports Board aser

International Hockey Federation (FIH) nati Bugti-i aniba telok ya officially agizükba sülen tensa süngjema küma liasü.

Reza-i tir mapa atema toktepba nungi atsüginginba sülen tensa süngjema liasü.

Bugti-i aniba administration-i tang item nisungtem ya aitsüogo aser tenokdangba agütsüogo. "Item nisungtem yagi PHF inyakyim minprongtsü merang aser tongtambang kuli kakettem auya aser Karachi nung Hockey Club of Pakistan nung dokan, office aser warehouse tem nungi taah saruba bank account shibangtsü," ta Bugti-i ashi.

Iba inyakyim ajanga lokti achayangba aser rongsenketzüng nung tetsükdaktsü adokdaktsüogo, ta PHF-i ashi.

Taküm tepeyong atema tenokdangba agütsürtem rongnung Nasir Ali, Khalid Bashir, Saleem Nazim, Abbas Ali, aser Haider Ali nunger densema lir.

Khalid Bashir aser Nasir Ali na ya Olympic nung medal dena ngur aliba nüngtugu defender lir aser Saleem Nazim-a kanga nüngtugu midfielder ka liasü. Tenokdangba agütsüba sülen parnok Pakistan nung hockey asaya kecha nunga shilem magitetsü.

# WTA Finals: Sabalenka aser Swiatek na No. 1 atema tokteptsü



Sabalenka & Swiatek

**Yimpoksüii/November 2, 2024 (Agencies):** Aryna Sabalenka aser Iga Swiatek temaba jenjang nung küm tembangtsü atema Honibarnü nungi Riyadh, Saudi Arabia nung asayaba WTA Finals nung asaya tenzüko.

Sabalenka-i taküm Australian Open, US Open, aser Cincinnati o Wuhan na nung asayamung akokba sülen la tang temaba jenjang nung lir.

Swiatek, shibai taküm French Open densema asayamung pongu kokogo, la tawa Asia nung asayamungtem nung shilem magitet saka tang temaba jenjang asoshi tokteptsü renema lir. 2022 küm April ita nungi asayar ana yagi No.1 jenjang ya melentepa bena arudar.

Sabalenka-i iba asayamung nung round-robin asem kokra mesüra final tonga asayara la

No 1 asayar akümtsü. Kasa mapang nung Sabalenka ajangettsü atema Swiatek-i la indang WTA Finals title defend asütsü nüngdaker.

Swiatek dang nungi Sabalenka point 1,046 agi timba lir. Swiatek ya September ita US Open nung tsükba sülen khien danga asaya mali. Iba sülen Swiatek-i la indang coach melena Wim Fissette shimogo.

Iba asayamung nung asayatsüpurtem rongnung Zheng Qinwen, Jasmine Paolini, Jessica Pegula, Coco Gauff, Elena Rybakina, aser Barbora Krejčíková nunger densema lir.

Elena Rybakina, shiba temang nung timtem aliba anepaludar, la-a iba asayamung nung tashi ita asayatsü imla atadar aser Zheng Qinwen shiba tang kanga junga asayaba mapang ka lir, la asayamung tetenzüklen Sabalenka den

asayatsü.

2026 küm tashi WTA Finals Riyadh nung asayatsü atema shimba sülen ita ka ana tsüingda mepetmesü adoka liasü.

WTA Finals, kong kija asayar tajungtiba ti aser tarep asayar ti asayar, iba asayamung ya Riyadh nung November 9 nü tashi asayatsü.

WTA Finals ya tang mezüngbuba Riyadh, Saudi Arabia kübok King Saud University Indoor Arena nung asayadar. Maneni iba asayamung nung ya Riyadh nungsa 2026 küm tashi asayatsü.

Tetsür kija asayamung atema telok ana küma lemsa lir:

Purple Group: Aryna Sabalenka, Jasmine Paolini, Elena Rybakina, Zheng Qinwen  
Orange Group: Iga Swiatek, Coco Gauff, Jessica Pegula, Barbora Krejčíková

Tarep asaya telemsa:

Green Group: Lyudmila Kichenok/Jelena Ostapenko, Hsieh Su-Wei/Elise Mertens, Nicole Melichar-Martinez/Ellen Perez, Katerina Siniakova/Taylor Townsend

White Group: Gabriela Dabrowski/Erin Routliffe, Sara Errani/Jasmine Paolini, Caroline Dolehide/Desirae Krawczyk, Chan Hao-Ching/Veronika Kudermetova

Iba asayamung nung kija asaya akoker nem senpet USD million 4.45 agütsütsü. Senpet ajak senteper USD million 15.25 agütsütsü.

# Yorke Trinidad And Tobago National Team coach kümogo

**Yimpoksüii/November 2, 2024 (Agencies):** Taoba mapang Manchester United nungi nüngtugu asayar Dwight Yorke, Hokolbarnü Trinidad and Tobago national football team head coach asütsü shimogo. Par linük maneni World Cup nung asayatsüsa jenjang ngutettsü asoshi pa nükjidong lir.

2006 küm Germany nung World Cup asayaba mapang Yorke lenisüba nung linük team asaya liasü. World Cup atema parnok iba küm dang qualify süa liasü. Iba asayamung nung Trinidad and Tobago team England, Sweden aser Paraguay den asaya aser parnok mezüngbuba round nung tsükatok.

"Dwight tajangshibatem, lenisüba aser linük team atema bendanga agütsür aliba ya asayartem aser linük ajungmesotsü atema onoki kanga dang nüngdaka aliba ka lir," ta Trinidadian soccer federation tir Kieron Edwards-i ashi.

World Cup atema qualifying tang tasayadak lir aser parnok telok nung team pongu aliba rongnungi parnok Costa Rica

sülen tangbuba jenjang nung aliba mapang arishi küm 52 tain Yorke ya team nung denogo.

Iba teloki nung temaba jenjang nung tembangba team ana taruba round-i aitsü aser Trinidad-i June 6 nü Saint Kitts aser Nevis kokra parnok iba round-i aitsü tejangja akümtsü.

Taruba world cup United States, Canada aser Mexico nung asayatsü lir asünung CONCACAF nungi team asembo kechi südir süaka taruba world cup nung asayatsü. Maneni intercontinental playoffs ajanga ano team talila ana qualify asütsü maongka lir.

Yorke tatemsa Australia nung Macarthur team indang head coach liasü. 2022 küm pa lenisüba nung iba team yagi national cup title aben aser iba sülen pai taoba küm team tokja liasü. Iba sülen pai Court of Arbitration for Sport nung club anema benokba ken o ka koka liasü.

Yorke ya asaya aliba mapang küm ter shi Aston Villa nung asayaba sülen 1998-99 season nung Man United nung dena liasü.

**BILEMDANGANG**  
"Shisabulua kazüba agi tebilemtsü kecha mebenteter."